

A SU POETE ANTIUGU CASULA MONTANARU

In iscienzia poetiche laureadu,
 già ti ses como Antiogu Casula Montanaru,
 sos collegas tottu t'han dadu sa manu,
 e ogni bene e gloria t'han auguradu,
 e como chi s'intentu tou hasa lobradu,
 chi vivas a chent'annos sempre sanu,
 pro totta vida ti fattas onore
 ca como sese poete e duttore.

Iscurta custa povera rima mia
 ti auguro dogni bene e dogni intentu
 già ses Antiogu pienu de Talentu
 e ses fina mastro e poesia,
 e creo ch'in sa tua familia
 si tirana tottu a su tou fundamentu
 tottu cantas già s'hana a laureare
 e tottu duttores bos hana giamare.

A tie t'han dadu de oro sa pinna
 ca ti ses distintu in mesu a tantos,
 in sos giornales t'han postu sos bantos,
 chi ses de sa poesia pioniere,
 omine onestu prezisu in su dovere
 chi faghet meraviglias e ispantos
 dai cussu ti deini sa pinna de oro
 ca ses omine onestu bellu e de decoro.

De fama summa e de summu valore,
 est su collega Antiogu Casula Montanaru,
 non solu in territoriu italianu,
 fina in America già s'hat fattu onore,
 in California pro cust'iscrittore,
 sun fattende unu monumentu soberanu,
 inie puru bi hat fama digna,
 custu novellu iscrittore de Sardigna.

Ses bellu Montanaru e forte Gennargentu,
 cun cudda poesia ti cherene immortalare,
 in sas iscolas pro la cummentare,
 pro essere su liberu tou divulgadu,
 unu monumentu t'enzat innalzadu,
 bandela sarda pro l'isventulare,
 e tue in Los Angeles sia pionieri,
 bravu poete, iscrittore e arcieri.

ALEX

ALESSIO CASSANO

SASSARI